

### คำวเรียงความแตกต่างระหว่างยุค

สังคมไทย เปลี่ยนไปนั้กล้า จากหงายเป้นควัว ทำใจยากหนา  
ทุกครอบครัวนี้ ต่างมีปัญหา แทบจันปัญญา จะตวยตันเจ้า  
แต่ก่อนออนหลัง พังจากคนเฒ่า อัยหม่อนของเฮา เล้าไว้  
เป็นเลียงลูกหลาน กั้นเอาไว้ใจ ผากผีผากไข้ ที่ลูน  
พ่อแม่แก่ค้ำว ลูกเต้าอุดหนุน ทดแทนบุญคุณ ผู้บั้งเกิดเกล้า  
ครอบครัวหนึ่งมี ลูกเป้นแปดเก้า เป้นบเกยเอา ขว้างละ  
เลียงใหญ่กู่คน อดทนมานะ ค่อยยะค่อยสร้าง ผ่าพัน  
ข้าวบดข้าวโอด บัญจักกัน ใหญ่ได้ตั้งวัน ยอนข้าวกับกล้วย  
ผ่าตากหลังคา มามามใส่ถ้วย ป้อนลูกไปตวย คำเจ้า  
นมผงนมหมี บมีแต่เล้า เลียงนมจากเต้า มารดา  
ลูกก็อ้วนท้วน บมีปัญหา ได้ลักขบวกา ก็ปิดนมได้  
ขวาน้ำพริกเกลือ ตังเหนือตังใต้ หาเลียงกันไป อิมท้อง

ถ้าบมีนม หื้อปีเลียงน้อง อยู่ตามหอห้อง เอือนจาน  
กันใหญ่มาแล้ว จ่วยกันเยียะการ ตามความชำนาญ ไผมันและเจ้า  
อย่างลูกแม่หญิง ตักน้ำตำข้าว เยียะการเบาเบา บฮอน  
ส่วนลูกป้อจาย กำไถแบงก้อน โถดินเป้นก้อน ตวยควาย  
คนแต่ก่อนนั้น ไผมีลูกหลาย ก็สะบาย ยามแก่ยามเฒ่า  
เยียะกานบไหว ก็ได้ลูกเต้า มาจ่วยแบงเบา ภาระ  
ถึงลูกแต่งงาน ลงสร้างฐานะ ยังจะอยู่ใกล้ ตั้งวัน  
โดยแบ่งบ้านไว้ ในฮัวเดียวกัน บ้านไผบ้านมัน ติดกันเป้นถ้อย  
บ้านลุ่มบ้านบน หลังใหญ่หลังน้อย จ่วยกันผอกอย ช่วงคุ้ม  
มีลูกมีหลาน เล่นกันลุ่มลุ่ม จ่วยกันหอบอุม เลียงดู  
ญา-ติบั้ง บเป้นศัตร์ พริกเกลือหมากปู ขอกันบั้งหื้อ  
เอือนใหม่มีกาน บดักด้านดื้อ จ่วยกันฮวมมือ พร้อมพริก  
ซึ่งต่างกันไกล กับสมัยนี้จักสังเกตุได้ เลยนาย  
ป้อมแม่ยุคนี้ ฮักลูกเหลือหลาย เลียงหื้อสบาย อย่างนายอย่างเจ้า  
บัจจเยียะหยัง ดั่งไฟหนึ่งข้าว กานหนักกานเบา บใจ  
กับข้าวกับปลา แม่หาเตรียมไว้ ลูกตื่นก็ได้ กินเลย  
เวียกกันบั้ง นั้งอยู่เฉยเฉย ขนมนมเนย อยากหยังก็ได้  
ฮ้องกินเอาเลย บมีก็ให้ แม่ก็ล่นไป เชาะชื่อ  
ป้อมแม่เยียะกาน กูวันกูมือ หาเงินส่งหื้อ ลูกเอียน  
เงินบป้อชื่อ เครื่องมือวาดเขียน กูเขาหมุนเวียน มาหื้อลูกเต้า  
ลูกจบปริญญา สบายอย่างเจ้า ได้ทำงานเบา แต่ตัก  
ก็ปลิกตัวไป อยู่กับคนฮัก สร้างหลักใหม่กล้า หน้าบาน  
ฮื้อบ้านฮื้อรถ สมบัติหลักฐาน ได้คู้แต่งงาน มีลูกมีเต้า  
ป้อมแม่ก็ยัง เยียะการเต้าเฒ่า เพื่อจะบรรเทา ยากไร้  
หวังลูกจะบั้ง เงินเดือนหื้อใจ กลับหวังบได้ มีตมัว  
เพราะว่าลูกนั้น มันต่างสร้างตัว และเลียงครอบครัว ต่อไปวันหน้า  
หันป้อมแม่เป้น ดั่งเช่นชีข้า เกิดหลานออกมา หื้อเลียง  
อย่าได้ไปหวัง เงินค่าบาทเพียง เป้นค่ากล่อมเกลี้ยง เลียงดู  
สังคมยุคนี้ เป้นตือตสู ลูกบัก้าจู้ ป้อมแม่แก่เฒ่า  
กลับไปเทิดทูน ลูกไว้เหนือเกล้า ตวยใจลูกเอา เป้นแม่

คำว่าเรื่อง...ความแตกต่างระหว่างยุค

เขียนโดย นายตัวดี ท.ทิวเทือกเขา

วันเสาร์ที่ 08 สิงหาคม 2009 เวลา 12:56 -

---

ดีอู๊มา ไผ่ว่าบ่แต่ ลองเขียนมาแก ก่าล่อ

คำว่าจ้อยซอ ลูกศิษย์พระเจ้าองค์คำ ขอวางตำ เต้านี้ก่อน แลนายเฮย